

毛

詩

原

解

毛詩原解卷三十

崧松高維嶽駿極于天叶維嶽降神生甫及申維申及

甫維周之翰仙叶四國于蕃四方于宣○臺臺申伯王纘

之事于邑于謝南國是式試王命召伯叶式是南邦叶

登是南邦叶世執其功○王命申伯叶式是南邦叶

因是謝人以作爾庸王命召伯平聲徹申伯土田叶王命

傅御遷其私人○申伯之功召伯是營有俶其城寢廟

既成既成藐藐麥王錫申伯四牡蹻蹻覺鉤膺濯濯○

王遣申伯路車乘馬母叶我圖爾居莫如南土錫爾介圭

以作爾寶叶往近王舅南土是保補叶○申伯信邁王餞

三言乃角 卷三十一 一

于郿眉申伯還南謝于誠歸王命召伯徹申伯土疆以

峙止其耜張式遄傳其行杭○申伯番番叶既入于謝

洗叶徒御嘽嘽難周邦咸喜戎有良翰叶不顯申伯王之

元舅叶文武是憲叶○申伯之德柔惠且直揉此萬邦

聞問于四國亦吉甫作誦其詩孔碩其風肆好以贈申

伯剥

古序曰崧高尹吉甫美宣王也毛公曰天下復平能

建國親諸侯褒賞申伯焉○朱子改爲申伯出封于

謝尹吉甫送之而作此事已詳篇中故序不復贅吉

甫對揚于朝而國史錄之聖人存之以表親親崇賢

封建復古之治耳。人臣立功紀勲著于小雅。人主治  
定功成見于大雅。詩至大雅作者之志愈遠而序者  
之義愈精。故雲漢不爲救旱以明格天之德。崧高不  
爲贈行以明親賢之禮。烝民不爲贈山甫以表使能  
之功。梁山不爲美韓侯以紀馭福之柄。江漢以下皆  
可知也。○章一明主中興天生賢輔非偶爾崧然高大  
維此四嶽高極于天山高者其神靈昔嘗降靈生甫  
侯。今生申伯維此申伯與昔甫侯世掌四嶽入相天  
子爲周之幹四國有患于以蕃蔽四方德教于以宣  
布厥功懋矣。豈人力哉。○章二申伯亹亹然德行不倦

先世封申。今王使之繼先業。以元舅入相。褒賞其功。因謝邑近申。加封爲牧伯。使南國諸侯取法焉。命司空召伯。定其邑居。成是南邦之功。使申伯子孫世守之也。○章三王命申伯爲法于南邦。因謝民以作興爾蕃宣之功。乃命召伯。井牧其田。稅以徹法。乃命申伯。傅相及治事之官。遷申伯家屬。前使就國也。○章四申伯謝邑之功。皆召伯所經營。始作城郭以安其民。又作寢廟。藐藐深邃。以妥其先靈。謝功旣成。申伯將行。王錫以四馬。躑躑然強壯。馬領下有金鉤。當胸懸樊。纓濯濯然鮮明也。○章五王遣申伯。賜路車四馬。告之。

曰我謀爾居莫如南土錫爾以大圭作爾分封之寶  
舅氏往卽爾封南土善地當保守之也○六申伯行  
邁信有期矣西由岐周受命于祖廟而王餞飲于郇  
申伯乃南望謝邑成行其將送何殷懃也王先命召  
伯徹其土疆因以所稅積其餘糧使舍館有資行李  
速達所以慰藉其行者又何周悉也○七申伯番番  
然老成旣入謝邑徒行者乘御者嘽嘽衆盛周南諸  
侯喜而相謂曰汝今有良翰矣豈不顯哉申伯以元  
舅之親出領州牧文德武功非諸侯所取法者乎○  
八申伯之德柔順正直輔相王室揅服萬邦聲譽聞

于四國吉甫作歌其詩所言甚大其風動人極美以  
贈申伯明建國親侯中興之盛典也○崧高貌嶽嶽  
山東岱南衡西華北恆唐虞時有姜姓爲四嶽之官  
封于呂或曰卽伯夷也其苗裔在周爲齊許申甫故  
推本嶽神降生以美之壘壘勉強貌申本侯爵今加  
封爲侯伯也續繼也繼四嶽之後也申國卽今南陽  
府謝在申東北百里卽今唐縣召伯召虎爲司空掌  
營國邑登成也成營建之功也作興也庸功也尊顯  
其功勲也傅相也古者諸侯皆有傅相御治事之官  
私家臣也遷自京師徙至謝也俶始作也寢廟後之

寢室也。藐藐深邃也。蹻蹻壯貌。鉤馬領下有金鉤以懸樊纓金輅之飾。賜上公同姓者也。申伯以元舅爲侯伯。故得賜之膺馬當胸也。樊纓九就。懸當馬胸。故曰膺濯濯鮮明也。圭諸侯之封圭長短各以命數上公九寸。侯伯七寸。子男五寸。或云子男璧也。介大也。貴重之稱。瑞玉曰寶。近就也。或云語辭與彼記之子之記通信邁果行也。郿地名在鎬京西岐豐東。非自鎬適申之路。時王在岐。命申伯于文祖廟。故餞于郿也。誠歸始成行也。峙聚也。遄速也。番番猶皤皤髮白貌。書泰誓云番番良士謂老成人也。舊訓武勇。按下



文以伋伋勇夫爲所不欲則番番非武勇也周邦周諸侯之國指申伯所領南國諸侯也戎汝也南邦之人自相謂也柔惠和順也柔馴擾也寬猛適中之意工歌曰誦碩大也所言皆王朝封建式百辟之事故曰大也肆猶極也贈送也

崧高八章章八句○按申伯以王元舅褒封晉錫可謂厚矣未幾以幽后見黜率犬戎殺幽王而滅宗周申爲戎首焉然則宣王之褒賞元舅與後世主寵任外戚移祚篡國者何以異乎故天子有道則萬國親無道則親戚叛易曰匪寇婚媾及覆手之間而已父

子相繼宣與幽滅可不畏哉故國風存揚之水大雅  
錄崧高聖人有微意焉誦者見其美而忘其規泥其  
辭而不逆其志烏可與言詩矣

天生烝民有物有則民之秉彝亮好是懿德天監有周

昭假格于下叶保茲天子生仲山甫○仲山甫之德柔

嘉維則令儀令色小心翼翼古訓是式威儀是力天子

是若明命使賦叶○王命仲山甫式是百辟必續我祖

考王躬是保出納王命王之喉舌賦政于外四方爰發

○肅肅王命仲山甫將之邦國若否仲山甫明叶之旣

明且哲以保其身夙夜匪解懈以事一人○人亦有言

柔則茹

汝

之剛則吐之維仲山甫柔亦不茹剛亦不吐

不侮矜

錄

寡

古叶

不畏彊禦

語叶

○人亦有言德輶如毛民

鮮

上聲

克舉之我儀圖

土叶

之維山甫舉之愛莫助

楚叶

之衰職有闕維仲山甫補之○仲山甫出租四牡業業征夫

捷捷每懷靡及

結叶

四牡彭彭

邦叶

八鸞鏘鏘

王命仲山甫

城彼東方○四牡騤騤八鸞喈喈

雞叶

仲山甫徂齊式遄

其歸吉甫作誦

從叶

穆如清風仲山甫永懷以慰其心

古序曰烝民尹吉甫美宣王也毛公曰任賢使能周

室中興焉○朱子改謂宣王命仲山甫築城于齊尹

吉甫作詩送之非也吉甫作詩備獻納非僚友私情

普天之下莫非王土。惟王建國。文武之制也。周衰諸侯強僭。繼世不由天子。裂封啓土。悉自已出。厲王中衰。周人放之于彘。是畿甸諸侯且不知有天子。而況齊遠在東隅。境內區區之城郭。必以上請。豈非宣王中興之烈。足以震疊之與。夫子刪詩存烝民。春秋之義也。故曰。詩亡春秋作。如朱說僚友相送。非關獻納。何登于雅。王朝命使往來。餞送不少。詩可勝錄乎。○

章天生烝民。有形則有性。性以範形。不可踰越。故人

秉常性。則好美德。所以爲萬物之靈也。況天視有周。昭明降格于下。保此中興之天子。生仲山甫名世之

賢佐其爲物則秉彜不亢超于衆民乎○

章二仲山甫

之德柔和嘉美成中物則令儀令色外一柔嘉也小心翼翼內一柔嘉也古訓是法學古有獲也威儀是力動必以禮也天子是順明命使賦精忠獲上不辱使命也儻所謂有物有則者非與○

章三

王命仲山甫

曰予以汝爲法于諸侯繼汝祖父舊職保護王躬王朝有命汝出而布之旣布納而復之以爲王之喉舌四方有事汝其賦布政教于外使之爰起而應焉○

章四

肅肅尊嚴之王命維仲山甫能奉行之邦國諸侯

有賢否維山甫能明辨之旣能審理又能知幾處功

名之會勿亢悔以保其身。又夙興夜寐無怠荒以奉  
天子。人臣之節無毫髮不盡矣。○韋人亦有言柔則  
吞而茹之剛則梗而吐之。維仲山甫柔亦不茹剛亦  
不吐柔如矜寡亦不侮也剛如彊禦亦不畏也寬猛  
相濟仁義并用德之全也。○韋人亦有言德本固有  
欲之斯至其輕如毛無難舉也而民有德者少我儀  
度圖謀維仲山甫能舉之心誠愛之而思助之其備  
道全美無容助也。衰職有闕惟仲山甫能補之能補  
不足又何不足待人補乎。○韋今仲山甫以敷政之  
職王命城齊出行祖祭四馬業業不息從行征夫捷

捷敏疾人懷不及之慮也。四馬行而彭彭，八鸞鳴而鏘鏘，此行無他，齊國告遷，王命仲山甫往城彼東方耳。○韋四牡騤騤，不息八鸞，喈喈和鳴。仲山甫往齊，勿久于外，式遄其歸，可也。吉甫作此工歌，穆然如清微之風，仲山甫遠行，多所懷思，故陳天意王命盛德大業，以慰安其心耳。○則法也。物則如有耳目，即有聰明，有五倫，即有五常之類，秉執也。彝，夷，通常也。懿，德，美德也。好悅也。義理悅心也。若順也。出納，既出而復也。發起，應也。若否，猶言臧否。明明于理，哲察于幾，輜輕也。儀，度也。圖謀也。袞職，君道也。闕失也。城，東方

築城于齊也。是時齊自薄姑徙于臨菑。古諸侯之居  
逼隘。則王者爲遷定焉。

烝民八章章八句。○按詩稱山甫才德位望。爲王保  
躬補袞之臣。不可一日去王所。而城齊之役。何足以  
煩之。亦異于采芑六月之命使矣。詩言袞職有關式  
遄其歸。寓諷規之意云爾。

奕奕梁山

叶

維禹甸之有倬其道。

叶

韓侯受命。王親命

之。續我祖考。無廢朕命。夙夜匪解。

叶

虔共爾位。

叶

朕命

不易。幹不庭方。以佐戎辟。

必

○四牡奕奕。孔脩且張。韓

侯入覲。以其介圭。入覲于王。王錫韓侯。淑旂綬

雖

章。簠



弗錯衡

叶杭

玄衮赤舄鉤膺鏤

漏

錫

陽

鞞靽淺幘

見

幃章

金厄

○韓侯出祖出宿于屠顯父

甫

餞之清酒百壺其

殽維何包鼈鮮魚其蔎

速

維何維筭及蒲其贈維何乘

馬路車邊豆有且

莊

侯氏燕胥

須

○韓侯取

去

妻汾

王之甥蹶

貴

父

甫

之子

涉

韓侯迎

去

止于蹶之里百兩

彭彭

叶邦

八鸞鏘鏘不顯其光諸娣從之祁祁如雲韓侯

顧之爛其盈門○蹶父孔武靡國不到爲韓姑相攸莫

如韓樂

叶開

孔樂韓土川澤訐訐

叶訐

魴鱖

叶教

上

甫甫麀鹿

嘒嘒

叶語

有熊有羆

叶悲

有貓有虎慶旣令居韓姑燕譽

○溥彼韓城燕

叶烟

師所完以先祖受命因時百蠻王錫

韓侯其追其貊奄受北國因以其伯實墉實壑實畎實籍獻其貔皮皮赤豹黃羆

古序曰韓奕尹吉甫美宣王也毛公曰能錫命諸侯○按古者嗣君在喪稱子喪畢以士服見王王策命錫車服歸始爲諸侯厲王中衰諸侯繼世不稟命宣王中興韓侯初立來朝尹吉甫作此詩故序目曰韓奕言命韓奕奕然也序不本其事者詩言入覲王命纘考則繼世也言鞞靽淺幟則喪畢也禮喪車鹿淺幟革飾詩具故序不贅序者志也志美宣王中興能錫命諸侯而朱子謂錫諸侯爲常事非也若使天子

常能命諸侯則幽厲不衰王跡不熄而春秋不作矣  
如天子錫命諸侯爲常事則蓼蕭湛露彤弓不足誇  
盛美矣又謂春秋戰國亦有行之者夫春秋戰國何  
嘗知有天子哉平王命晉文侯惠王命齊桓公襄王  
命晉文公顯王命秦孝公此四王者孱王非興王也  
亂命非治命也有所要挾不得不命非力能制命也  
如宣王之命韓侯能命亦能討能予亦能奪然後謂  
之王有南征北伐平淮會洛之功然後有封申錫韓  
之命治亂邪正何可相比乎然美中興而並及娶妻  
何也王室乂安邦國和平康侯晉錫歸國嘉禮時舉

猶二南之桃夭芣苢。太平之象可徵。天子有道則諸侯秉禮親喪畢入覲。歸而後議婚。道揆法守秩然可觀。與春秋諸侯在喪親迎者得失相違遠矣。所以美之。○章奕奕然高大之梁山。韓國之鎮。昔禹所甸治也。今王嗣禹功而中興梁山道路。頓覺開展。倬然大明矣。韓侯由此來朝。王親命曰。汝其繼汝祖父于家。勿廢朕命于國。夙夜匪懈。敬恭爾位。凡朕所命。慎勿變易。攘逆除亂。牧伯之職。苟有不來庭之方。宜榦正以佐汝君也。○章韓侯入覲。乘奕奕之四馬。甚脩長肥。張執分封之大圭。合瑞于王。王所錫予。有交龍之

善旂羽毛綏垂以爲章。有車以竹簟爲蔽。畫錯文于衡。有服以玄帛。畫龍爲袞。及赤色之舄。有馬飾頷下以金鉤。懸樊纓于膺。飾馬額以鏤金之錫。大喪初除。乘藻車。用去毛之鞞。鞞軾中之鞞。用無毛之倭皮。覆軾上爲幟。用革爲馬轡首之條。用金爲小環而揜。厄束其革也。○章韓侯旣覲。將行爲祖道之祭。出宿于屠王。使公卿餞送。清酒百壺。殽有魚鼈。鮮魚菜有筍蒲。贈行有四馬。與路車。邊豆且然。盛列與韓侯相燕飲也。○韜韓侯歸國。大喪旣除。嘉禮載舉。娶厲王之甥。乃卿士蹶父之女。親迎于蹶父之邑。其車百兩。彭

彭衆盛四馬八鸞鏘鏘和鳴禮儀不其光顯乎諸娣  
從嫁者祁祁徐靚如雲之多韓侯視之爛然滿門庭  
也○五韋蹠父爲王卿士材力甚壯經營四方無國不  
到因爲其女韓姑相出嫁之所惟韓甚爲樂土川澤  
之大訐訐魴鱖之大甫甫麀鹿之衆嘒嘒有熊羆貓  
虎皆山澤之產蹠父喜此善居而韓姑今歸燕安譽  
樂矣○六溥哉韓國之城先王分封命召康公率燕  
國之衆脩築完固舊矣今王以韓先祖受命世爲牧  
伯因其國近百蠻命韓侯以追人貊人奄受北方之  
國而爲之伯教以脩其城深其池治其田畝清其稅

籍各以地所有或貔皮或赤豹黃羆之皮以時入貢  
此皆牧伯之事也○奕奕大也梁山韓地山甸治也  
倬明也道路也韓先世武王之子封韓後爲晉所滅  
左傳邲晉應韓武之穆也受命繼立稟王命也幹正  
也不庭方四方之國不來王庭者也戎汝也辟君也  
孔甚也脩長也張肥大也淑旂旂之善者綬垂貌以  
鳥羽或旄牛尾注于旂竿之首爲表章也刻金曰鏤  
錫馬額飾也眉上曰揚金色光圓如日故曰錫也軼  
軼中也淺淺通皮之無毛者幪幪同覆也以皮覆軼  
上手憑處周禮喪車有五藻車用鹿淺幪革飾喪初

除不用盛飾也。金卮以金爲小環，陸續束之卮，搯通束也。屠近西京地名。顯父猶言顯者，公卿貴臣也。餞王命餞行也。藪菜也。筍竹萌蒲，蒲蕸皆以爲菹也。贈王命贈行也。卿大夫車無路名，且甚多之辭。侯氏諸侯在王所之稱。胥相也。汾王厲王也。厲王流于彘，死汾水上，姊妹之子曰甥。蹶父周卿士，媾姓妻之女弟曰娣。諸侯娶一國之女同姓，二國媵之所娶者爲媵。二國爲媵，嫡有娣，有姪，媵亦有娣，有姪，一娶九女也。故曰諸娣。祁祁徐靚，淨也。如雲多而美也。武壯也。靡國不到，奉使也。韓媾，韓侯妻蹶父之女也。訐訐，甫甫。



皆大也。嘯嘯衆也。貓似虎而小。燕安也。譽豫通樂也。燕召康公封國也。追貊北方夷狄國名。奄覆也。全有曰奄。伯一州之長。牧伯也。墉城也。潞池也。所部諸國城池也。畝田畝籍版籍所部諸國田賦也。獻諸國所當貢之物。貔豹屬。

韓奕六章章十二句

毛詩原解卷三十一

江漢浮浮武夫滔滔

叶

匪安匪遊淮夷來求既出我求

既設我旗匪安匪舒淮夷來鋪○江漢湯湯武夫泚泚

光經營四方告成于王四方既平王國庶定

叶平聲

時靡

有孚王心載寧○江漢之滸王命召虎式辟四方徹我

疆土匪疚匪棘王國來極于疆于理至于南海叶○王

命召虎來旬來宣文武受命召公維翰叶無曰予小子

召公是似叶肇敏戎公用錫爾祉○釐叶爾圭瓚秬鬯

一卣

叶

告于文人錫山土田叶于周受命自召祖命

虎拜稽

叶

首天子萬年

叶

○虎拜稽首對揚王休叶作

召公考叶天子萬壽叶明明天子令聞叶不已矢其文德洽此四國

古序曰江漢尹吉甫美宣王也毛公曰能興衰撥亂命召公平淮夷○按周京偏在西隅去東南遠故淮夷最難服成王初立周公東征三年滅國五十而後徐淮定伯禽封魯亦爲東土重也厲王中衰四夷交侵至宣王北逐獫狁南平荆蠻而淮夷猶未附初命召虎經營再勤六師親討必東土寧而後西京安此江漢常武所以爲宣王之終事繫大雅之末簡聖人刪詩次第可見而周之興衰始終由東征其故亦可

考而知也○

章一

江漢二水浮浮合流武夫滔滔東下

肅將天威不敢安處不敢慢遊淮夷不附是以來求

也既至淮浦出我戎車張我旂旗聲罪致討不敢安

寧不敢舒緩惟淮夷不附來鋪陳以伐之也○

章二

江漢之流湯湯武夫之勇洸洸淮夷亂我四方王師經

營不戰而服遂告成功于王淮夷服則四方平四方

平則畿甸安時無復有爭戰之警而王心則寧矣○

章三召虎既成功于江漢之許王命召虎就彼開墾疆

土以徹法平其賦稅戎事甫定即行疆理匪病民匪

急功也率土歸王使一體成賦來取則于中邦耳乃

往正其疆界條理至南海而止也○韜武功旣成疆  
理旣定王乃命召虎曰南民不沾王化爾來茲徧布  
政教厥功大矣昔我文武受命汝祖康公實維翰幹  
今汝無曰爲予小子之故惟爲爾祖康公是似續耳  
爾旣開大其功我用錫爾以福祉矣○五賜爾以圭  
柄之瓚秬鬯之酒盛以一卣使歸祀其先祖又告于  
岐周文王之廟錫爾山川土田以廣其封邑爾祖康  
公昔自岐周受命于文祖今使爾重光世德祖孫濟  
美虎拜稽首惟祝天子萬壽也○韜虎拜稽首對王  
颺言休美曰虎以孫繼祖作召公之成皆天子之賜

臣無能報答願天子萬壽盛德日新令譽無窮陳文  
德以治四方分徒矜武功而已○江漢解見周南漢  
廣篇二水居東南上游伐淮舟師順流而東也鋪陳  
兵也洸洸武貌經營猶言料理告成奏捷也來極猶  
言歸極則壤視中國也旬徧也宣布也召公召穆公  
虎祖康公奭也肇開也敏大也予小子王自稱公功  
也釐賜也九命賜圭瓚秬鬯秬黑黍釀酒和香草養  
之曰鬯言香氣充鬯也卣中尊也文人文德之人卽  
文王也古者爵人必于宗廟示不敢專也文王廟在  
岐周于周往岐周也稽首首至地也對對王前也因

王命而答之揚大言也與書臯陶稽首颺言之颺同  
休美也作爲也考成也爲祖召公成終也前作後繼  
則作者有成矣矢陳也文德文教也作召以下皆對  
揚之語

江漢六章章八句

赫赫明明王命卿士叶南仲太祖太師皇父甫整我六  
師以脩我戎叶旣敬旣戒叶惠此南國叶○王謂尹氏  
命程伯休父左右陳行叶戒我師旅率彼淮浦省叶此  
徐土不畱不處叶三事就緒叶○赫赫業業叶有嚴天  
子王舒保作匪紹匪遊徐方叶騷叶震驚徐方叶如雷

如霆徐方震驚○王奮厥武如震如怒叶進厥虎臣闕  
坎如虢叶虎鋪敦淮濱楚仍執醜虜截彼淮浦王師之  
所○王旅嘽嘽叶如飛如翰去聲如江如漢如山之苞叶  
如川之流緜緜翼翼不測不克叶濯征徐國亦叶○王猶  
允塞徐方既來叶徐方既同天子之功四方既平徐方  
來庭徐方不回王曰還歸叶  
葵

古序曰常武召穆公美宣王也毛公曰有常德以立  
武事因以爲戒然○朱子改爲宣王自將以伐淮北  
之夷詩人美之非也按宣王自將詩旣言之矣淮北  
淮南後人臆說耳前篇由江漢進師爲南此篇由淮



浦達徐爲北師行便利不同總之淮土前篇召虎經  
營疆理功成可謂有丈人之貞未幾淮夷復叛宣王  
欲一大創之故不復用虎而命皇父程伯六師親征  
懲前之不武也蓋周京僻在西隅東距淮海遼遠終  
周之世叛附無常召公謂惟德可懷遠天子躬擐甲  
胄遠問荒裔不可爲常故詩美其事以常武命篇虞  
人之箴曰武不可重用不恢于夏家常武之謂也故  
二篇末致諷規之辭卒也西周之禍不在淮夷近在  
西戎乃見詩人獻替之忠江漢後繼以常武乃知聖  
人刪定之意斯善言詩也豈徒取南北爲目已乎○

章赫赫明明。天子親命大將，實維王之卿士。昔者南仲乃太祖而卿士其孫也。官爲太師，字稱皇父。王命之曰：爾整齊我六師，脩我兵戎，敬哉勿忽戒哉勿踈。淮夷侵陵，今將親征，惠此南國也。○章二旣命大將，乃擇偏裨。王謂內史尹吉甫曰：爾以策書命程國之伯名休父者爲司馬，訓飭紀律，使左右陳列，申約誓，以戒師衆，率循淮水之涯，省視徐土，此行不久，畱不停處，不妨三農，使各就業也。○章三王師啓行，赫赫光顯，業業震動，六飛親駕，尊嚴哉。天子舒徐保安而行，不張皇，亦不紹緩，慢遊徐方，間風絡繹，騷擾震驚，天威

如雷霆交作。不勝其震驚矣。○章既至徐方。王奮威武。如雷震怒。進其虎臣。闐然奮揚。號猛如虎。厚積其陣于淮水之涯。不勞力而就執衆虜。截然淮浦。皆王師之所敢有。負固盤據者乎。○五王師嘽嘽然衆盛如鳥飛。翰奮揚之速也。如江漢之水。浩淼無際也。如山之苞。靜不可撼也。如川之流。來不可禦也。緜緜然密不可衝而絕也。翼翼然整不可驚而亂也。神謀不測不可知也。萬全不克不可勝也。以此濯然洗征徐國。宜其一戰而定也。○六兵貴謀而賤戰。治貴德而賤功。王師固威武。王猷本信實。所以徐方既來耳。來

則同爲王民王土。是天子之功也。諸臣何力之與有。惟王廟謨萬全。宇內回心。四方盡平。彼徐方小醜。自來在王庭。無復反側。兵可長不用矣。於是王乃曰。予其班師還歸矣。○卿士皇父之專官太師三公皇父之兼官南仲文王時大將征玁狁西戎者也尹氏尹吉甫官內史掌策命程伯獻休父其名也三事三農耕耘穫三時也或曰原隰平地也或曰上中下農也緒事端也就緒不中輟也卽耕不變耘不止之意業業震動貌舒徐也保安也作行也紹緩也遊慢遊也繹連絡也騷躁擾也闐奮怒也虒虎怒貌鋪敦陳師

厚積也。潰涯也。仍執就執之言易也。虜囚也。嘽嘽衆盛也。飛鳥飛也。翰飛之疾也。如江漢言衆也。濯掃蕩滌除之意。

帝武六章章八句

瞻卬仰昊天則不我惠孔填顛不寧降此大厲邦靡有

定士民其瘵債蠹賊蠹疾靡有夷屆罪罟不收靡有夷

瘵抽○人有土田女汝反有之人有民人女覆奪之此

宜無罪女反收守之彼宜有罪女覆說脫之哲夫成城

哲婦傾城○懿厥哲婦爲梟爲鴟婦有長舌維厲之階

亂匪降自天生自婦人匪教匪誨時維婦寺○鞠

蒻人伎至忒諧借始竟背叶豈曰不極伊胡爲慝如賈

古三倍君子是識婦無公事休其蠶織○天何以刺叶

何神不富叶舍爾介狄維予胥忌不弔不祥威儀不類

人之云亡邦國殄瘁○天之降罔維其優矣人之云亡

心之憂矣天之降罔維其幾矣人之云亡心之悲矣○

威必沸沸弗檻敢泉維其深矣心之憂矣寧自今矣不自

我先不自我後叶藐藐昊天無不克輦叶無忝皇祖式

救爾後叶

古序曰瞻卬凡伯刺幽王大壞也○朱子改爲刺幽

王嬖褒姒任奄人以致亂之詩按褒姒奄人據篇中

婦寺爲言序標其志而已○章一瞻仰昊天不愛惠民  
甚顛危而不安降此大惡使邦國搖扞人民瘵病小  
人在位如害苗之蠹爲民賊疾無有平止以刑罪爲  
網罟張布不收無有平愈也○章二小人恃寵專恣人  
有土田以養廉故反貪而有之人有民人以待治汝  
覆強而奪之所以爲蠹賊也此宜無罪反收納于刑  
彼宜有罪反僥倖得免所以爲罪罟也其致此者由  
婦人耳男子有智則能保障邦國婦人多智干預外  
政則破國傾城矣○章三哲婦雖懿美其凶爲梟其妖  
爲鴟其長舌巧佞爲禍之階亂非天降起于婦人王

不親君子。誰與教誨。左右前後。維婦人與寺人耳。其  
能免傾城之禍乎。○章婦寺窮人以忮忒譖人于始。  
而終背其實。豈不極惡。彼方怡然自得。不以爲慝也。  
王勿使預公事。猶可。今王信之。如賈人三倍之利。賤  
丈夫所爲。君子心識之。婦人無外事。今乃休其蠶織。  
干預朝政。其忮忒可勝言乎。○章五天何爲責王。神何  
爲不福王乎。王可自省矣。是必有夷狄大患。王舍此  
不忌。反忌予之忠言。不憂其不祥。威儀又不善。賢人  
相率亡去。邦國不殄絕瘁病乎。○章六天降禍網。惟其  
優而多矣。賢人引去。我心懼而憂矣。天之降網。惟其



幾而危矣人之云亡我心哀而悲矣○杜感沸上湧  
正出之泉其發源深矣我心之憂非自今日然耳生  
當此時人力無如何惟高遠之昊天雖壞亂亦能鞏  
固苟王能改悔脩德任賢無忝皇祖則天意猶可回  
用以救爾之將來也○填顛通危也療病也蝨害苗  
之蟲夷平也屆極也瘳愈也臬惡鳥食母者也鴟妖  
鳥鵂鶩也婦寺婦人與寺人也鞠窮也忒害也忒變  
詐也竟背終不驗也極惡極也慝惡也刺譴也富福  
也介大也狄夷狄也不類不善也亡散亡也罔網同  
厄難也優多也幾危也咸沸泉湧貌鞏固也

瞻卬七章三章章十句四章章八句○按毛傳二章十句朱子以哲夫二句屬三章今從毛

旻天疾威天篤降喪葉癘頤我饑饉民卒流亡我居圉

語卒荒○天降罪罟葉賊內訌紅昏掇卑靡共恭潰潰

回通實靖夷我邦平○皇皇訛訛曾不知其玷然兢

兢業業孔填顛不寧我位孔貶○如彼歲旱草不潰茂

葉上如彼棲西苴叶上我相象此邦無不潰止○維昔

之富不如時維今之疚不如茲彼疏斯釋叶胡不自替

職兄況斯引叶○池之竭矣不云自頻平泉之竭矣

不云自中溥斯害矣職兄斯弘不裁我躬○昔先王受

命叶有如召公曰辟國百里今也日蹙國百里於乎哀

以叶哉維今之人不尚有舊叶

古序曰召旻凡伯刺幽王大壞也毛公曰旻閔也閔天下無如召公之臣也○朱子改爲刺幽王任用小人以致饑饉侵削此詩中所已言序云大壞見天下事不復可爲而宗周遂滅耳小雅終召之章何草不黃大雅終瞻卬召旻皆悲惋悽切所謂亡國之音也昔周道興而召南作今周將亡故詩人思召伯因以召旻命篇毛公曰旻閔也閔天下無如召公之臣言皆昏祿辜訛之輩辭約而意該矣朱子詆爲不成文

理過也○

章一

旻天平何急爲暴虐也是以天心不佑

厚降喪亂病我以饑饉小民盡至流移中國之邊圉

盡至荒虛皆小人致之也○

章二

天降刑罪罔陷天下

小人爲蠹賊居中訐亂皆司閹刑餘之人靡有靖恭

之節潰潰然邪僻而已乃使之安靖我邦所以招亂

耳○

章三

皐皐然頑慢訛訛然謗毀若此輩者王曾不

覺其玷缺兢兢業業甚危而不敢安寧如我輩者位

反貶削其顛倒如此○

章四

今天下如歲旱百草枯槁

不得遂暢如棲木之腐草無復生意我視此邦無有

不潰亂者矣○

章五

昔日天下豐富不如今時之貧今

日百姓疾病未有如此之甚者以小人用事無君子  
故也彼小人如疏糲之米斯君子如精細之粃胡不  
自廢替以避君子乎乃專主滋甚爲害曰引長而無  
已也○章六池水由外灌而滿今其竭也不曰由涯之  
不入乎泉水從中達外今其竭也不曰由中之不出  
乎國之將亡中外耗竭本由小人今爲害已溥而猶  
專滋弘大不思國旣亡矣裁害不自及其身乎○章七  
昔我先王受命有如召公奭日開國百里人心歸附  
日甚一日今也人心離散日蹙一日亦可哀矣嗚呼  
今之人豈不尚有耆舊雖有而亦終不能用矣○是

天託天呼王也疾急也暴虐也喪亂亡也癘病也誼  
潰也昏作閭司宮門者奄人也殄斷也刑餘之人也  
共恭同靡共不恭敬也潰潰亂意靖安也夷平也臯  
臯緩慢不供職也訛訛謗毀也潰茂遠長也棲苴浪  
草棲木上者也疏糲米也糲細米也粟一石得糲米  
六斗糲十得糲九繫八侍御七也替廢也職專也兄  
況通滋也頻濱通水涯也

召旻七章四章章五句三章章七句

毛詩原解卷三十一大雅終

毛詩原解卷三十二

郝敬習

周頌

頌者天子宗廟之樂歌古文頌與容通王者太平功成美其盛德形容以告于神明其辭從容悠遠故曰容如清廟等篇亟誦則乏響以其言太永而聲遠也故曰清廟之樂一唱三歎有餘音者此也凡頌皆樂歌如訪落敬之等篇或不爲祭祀作而皆以絃頌告於廟故同爲頌

清廟之什

自此至思文凡十篇

於焉穆清廟。肅雝顯相。濟濟多士。秉文之德。對越在天。  
駿奔走在廟。不顯不承。無射亦於人斯

古序曰。清廟祀文王也。毛公曰。周公既成洛邑。朝諸  
侯。率以事文王焉。○按成王初立二年。周公以流言  
避居東。三年至五年。公奉王東征。六年營洛。七年王  
朝祭于洛。此詩卽洛誥所云。王在新邑。烝祭歲之樂  
歌也。○章於哉穆然幽深清靜之廟。祀事肇舉。羣后  
咸集。皆肅肅而敬。雍雍而和。光助予一人也。濟濟然  
執事之多士。皆秉執文王之德。相與對接發揚其在



天之神駿疾奔走其在廟之主今日人心猶昔左右  
辟王之人心豈不光顯豈不欽承久而彌新無有厭  
射于人乎○對接也越發揚在上之意或曰於也駿  
疾也顯光也承奉也射厭也

清廟一章八句○此篇卽樂記所謂清廟之歌有辭  
而無韻不貴聲也懸一鐘尚拊膈朱絃而通越一唱  
而三歎有餘音者此之謂也

維天之命於鳥穆不已於鳥乎呼不顯文王之德之純  
假格以溢我我其收之駿惠我文王曾孫篤之

古序曰維天之命太平告文王也○太平治功成也

頌告成功者也。成王周公之世。天下和平。制禮作樂。皆文德所貽。故以告廟。不言治功。而言天命。文德者。治具鋪張。非太平也。故曰爲政以德。王者之民皞皞。上下與天地同流。政不本于德。皆驩虞小補。道不通于命。非王民之皞皞。太平無象。故以天命於穆。文德不顯。形容其至。天無言而萬物生。聖人無爲而萬民化。此以爲太平也。○章天之造化發育。莫非命也。於乎穆然深遠。運行而不息者。天也。於乎淵微不顯。文王之德。純然精一不雜者。聖人也。天道聖德。同體並運。所以致太平也。文王以聖德格天。在帝左右。其餘

澤波及我後人我當收之不敢失墜大順我文王之德而因以格天豈惟今日繼此爲曾孫者傳世愈遠培植愈厚則文祖常格而天命可長保矣○假與格通合虛曰假饒衍曰益駿惠大順也卽儀刑文王萬邦作孚之意

### 維天之命一章八句

維清句緝熙文王之典

丁叶肇裡

因

迄用有成維周之禎

古序曰維清奏象舞也○按樂有歌有舞歌以爲聲舞以爲容聲容備謂之奏容所以象也有戰伐之功則舞以象之如文王戡黎伐崇遏密大雅云文王受

命有此武功故象以舞而此其歌也序不言文王何也詩言文王之典矣不言祭文王何也凡頌皆祭也朱子改爲祭文王之詩複說也古序不作此等語○一章周道所以清明者惟其能繼續熙明文王之典常也有二新命肇開一代之禮祀迄于後人用之續集大統竟底有成豈非周之禎祥也哉○清世清明也緝續也熙明也廣也文王之典造周之法也治岐之政二南之化皆是也肇開也禮祀也迄及也用繼續也有成成王也禎祥也

維清一章五句○按清廟以下三詩玄遠冲淡皆所

謂大雅之音文王之至德也故以首頌

烈文辟公錫茲祉福惠我無疆叶子孫保叶之無封  
靡于爾邦維王其崇藏叶之念茲戎功繼序其皇之無競  
維人四方其訓叶之不顯維德百辟其刑叶之於乎前  
王不忘

古序曰烈文成王卽政諸侯助祭也○按成王七年  
周公畱洛王始親攬大政諸侯來朝王率之以祭于  
祖考此祭而獻諸侯之詩此諸侯猶多盟津之諸侯  
故嘉廼功戒勿忘先王美箴之意備矣○章一武烈文  
德之辟公夾輔先王克定大業今日祉福皆辟公錫

之惠我無疆子孫世保之也爾有邦而不自封殖侈靡率附我先王我先王既尊崇汝矣予亦念此大功繼世而嘉美之也我先王謂莫强于人不可力服惟脩德則四方訓服莫顯于德惟有德則百辟式刑能訓能刑吾爲子孫與爾爲臣均蒙其庇也於乎先王不可忘哉○烈文猶言功德也辟公諸侯也封專利也靡奢僭也崇尊也繼序嗣立也皇美也訓順也刑法也

烈文一章十三句

天作高山大王荒之彼作奕文王康之彼徂叶入矣句

岐有夷之行叶子孫保叶之

古序曰天作祀先王先公也○按此爲四時之祭時祭則四親與太祖而祧廟不與成王之世時祭當自太王以下上及后稷先公指后稷先王指太王以下也然詩止頌太王文王不及后稷王季者時祭之樂非一章此舉王跡所自起功德最著者歌于太王文王廟者耳朱子但謂祀太王不兼文王以其間遺王季也然詩并頌二王安得獨爲祀太王旣祀太王文王又安得遺后稷與王季序說是也○章一我周王業肇自太王成于文王天作岐山以開王跡太王始荒

治之彼民不憚遷徙而營作矣文王嗣興惠鮮懷保  
從而安康之彼民日趨赴而往徂矣是以岐山爲萬  
邦歸往有平夷之道路無復向之險阻子孫宜世世  
保守慰二王在天之靈可也○荒治也治荒曰荒猶  
治亂曰亂也徂往也

天作一章七句○舊註徂矣爲句朱以徂作阻連岐  
字爲句今從舊

昊天有成命叶二后受之成王不敢康夙夜基命叶宥  
密於烏緝熙叶單厥心叶柝肆其靖叶之

古序曰昊天有成命郊祀天地也○朱子改爲祀成



王之詩非也。古者冬至合祀天地于郊。此詩頌昊天而不及地。如人稱父而不及母。統于尊也。故曰郊社之禮。所以事上帝。樂非一章。此其刪存之一耳。昊天難名。卽文武受命以頌天。故大雅文王之篇云。上天之載。無聲無臭。儀刑文王。萬邦作孚。言天必言聖。聖同天也。成王云者。猶大雅下武云。成王之孚。書酒誥云。成王畏相。皆成就之義。非成王誦也。不敢康。基命單心。皆頌文武功德。宥而寬者。天之德密而深者。地之德。中庸云。溥溥如天。淵泉如淵。二后所以德配天地也。朱子改爲祀成王。則詩當作于康王後郊廟之

歌周公所定一代憲章後王詩焉得列天作我將之  
間周頌三十一篇無康王以後詩泥文生解引國語  
爲徵按國語解成字之德無以辨其必爲王誦也其  
云德讓信寬固和皆所以基命成其爲王者也若皆  
謂美王誦則二后不過應受而成王功德遠過祖考  
豈詩人立言之意周家基命由二后蘇軾謂成王非  
基命之主是矣又據商頌祀武丁謂周頌亦當有康  
王以後詩夫商頌古樂僅存無容再刪周公所定內  
外百祀之樂夫子刪存止三十一篇焉得更有後人  
制作雜其中有之亦當附小楚載楚後不宜攙入祖

考廟樂之前不然則頌亦錯亂矣豈但序不足信乎  
又據周禮國丘方澤謂天地不當合祀蓋信以周禮  
爲周公之書承訛久矣夫廟祀考妣合食王者父天  
母地母不得別父地不得殊天陰不得離陽妻不得  
違夫此理甚明今拘周禮謂天地當分祀則自不肯  
以此詩爲郊祀天地之詩何怪乎或曰周郊配稷詩  
不及稷何也獻祖之樂與天異思文所以獻稷也○  
一章昊天有已成不毀之命文武二后受之以成一代  
王業而不敢卽安也夙夜憂勤以承藉此命者其德  
宥焉寬宏配天之廣密焉幽靜應地之深於哉繼續

光明單盡其心故能咸和永靖安靖天下受命而成其爲王也敢負天之成命乎○成命已成不易之命二后文武也成王成就王業也基承藉也宥寬宏也密靜深也單盡也肆遂也靖安也安定天下也

昊天有成命一章六句○舊作七句愚按二后受之連下九字當爲一句實止六句

我將我享香叶維羊維牛維天其右叶之儀式刑文王之

典音叶日靖四方伊嘏假文王既右享叶之我其夙夜畏

天之威于時保叶之

古序曰我將祀文王于明堂也○古天子冬至郊祀

天地一陽初生氣本無形故禮不貴物掃地行事器  
用陶匏牲用犢配以始祖古之郊祀也周公制禮每  
歲季秋享帝于明堂帝者天之神生物之主物至秋  
而形成故祭備牲牢配以父郊天報始享帝報成郊  
配后稷始于祖之義也明堂配文王成于父之義也  
○章一我所將奉所獻享維羊維牛物至微耳天其佑  
助我享之乎不敢必也天之佑享諒不在物惟自託  
于文王庶可格天我今儀法之式用之刑成之以我  
文王之典日見諸行事安靖四方天意安民而文王  
之典能安民是天所福嘏也福文王必歆文王所配

之祭佑而享之必矣然我不敢遂懈也其夙夜無忘  
畏天之威保此佑享之意而已矣

我將一章十句

時邁其邦昊天其子之實右序有周章叶薄言震止叶之莫

不震疊懷柔百神陽叶及河喬嶽葉叶允王維后赫叶明昭有

周式序在位立叶載戢干戈載櫜改叶弓矢改叶我求懿德肆于

時夏火叶允王保波叶之

古序曰時邁巡守告祭柴望也○天子五年一巡守

徧歷四方會諸侯于方嶽之下燔柴升煙以告天山

川遠者望而祭之周公成文武作禮樂此爲巡守祭

告之歌。戢干戈。櫜弓矢。皆武王事。而序不及武王者。後王巡守祭告通用之。故名肆夏。取篇末肆于時夏語。卽周禮鐘師九夏之一也。禮尸出奏肆夏。牲出入奏韶夏。四方賓來奏納夏。皆以鐘。夏大也。歌之大者。周語曰。金奏肆夏。繁遏渠。天子所以饗元侯也。韋昭注云。肆夏一名樊。韶夏一名遏。納夏一名渠。周禮九夏之三也。遏執競也。渠思文也。○章王者奉天命爲天子。四時巡行邦國。昊天其以之爲子乎。今觀天意。實尊序我周矣。人心久玩。薄加警動。莫不震懼。祭告天地羣神。及所在山川。無不懷柔。人神受職。天意可

知信周王爲天下君也。然何以承天之意乎。明昭哉。  
有周用慶讓黜陟之典。殿最在位之諸侯。又斂其干  
戈。韜其弓矢。求懿美之德。陳于中國。信乎王之能保  
天命矣。○時四時也。虞書曰。歲二月東巡守。至于岱  
宗。五月南巡守。至于南嶽。八月西巡守。十一月北巡  
守。是也。其子之冀望之辭。右尊也。尊序之於諸侯。上  
也。震動也。疊懼也。懷來也。柔安也。河。大河也。喬嶽。高  
山也。河爲百川之長。嶽爲羣山之宗。式序考績也。懿  
德美德。謂文教也。肆陳也。夏中國也。

時邁一章十五句



執競武王無競維烈亮不顯成康上帝是皇自彼成康  
奄有四方斤斤其明皆鐘鼓喤喤磬筦將將管降福  
穰穰降福簡簡威儀及反既醉既飽福祿來反

古序曰執競祀武王也○朱子改爲祭武王成王康  
王之詩非也頌武王僅二語而頌成康過爲鋪張文  
義不類蘇軾謂周奄有天下不自成康始得之矣祀  
成康則此詩作于康王以後周之禮樂定自周公是  
篇所謂邊卽韶夏者也禮牲出入奏韶夏天子以邊  
饗元后康王以後昭穆之季未聞有繼周公作禮樂  
者卽有新聲豈可以配九夏乎云成康者武王成功

康定天下猶酒誥言成王大誥言寧王云爾凡詩書  
言武成康寧多頌武王而王誦王釗率祖考爲謚耳  
豈凡言成康者卽爲二王乎○一明主立功在乎自  
強能執持自強不息之心者惟武王故功烈之盛天  
下莫強焉豈不顯哉其能成王業安定天下是以上  
帝立之爲君也自武王成功安天下奄有四方斤斤  
然昭明之敷光于四表今日之祀鐘鼓嗶嗶然磬管  
鏘鏘然神降福穰穰然降福旣簡大孝子威儀愈謹  
慎是以神人醉飽福祿之來反覆不已也○皇君也  
彼指武王奄有全有也斤斤明之察也嗶嗶和也將

將集也穰穰多也簡簡大也反反慎重也反復也

執競一章十四句

思文后稷克配彼天立我烝民莫匪爾極貽我來牟

叶謀

帝命率育

叶無此疆爾界

叶陳常于時夏

古序曰思文后稷配天也○詩言配天德也序言配

天祭也有是德故有是祭此其樂歌也周禮謂之納

夏一名渠百穀獨舉來牟者來小麥牟大麥也冬至

郊祀惟二麥生易所謂復見天地之心者也乾爲金

麥金王則生廢則死歷四時而成謂之首種爲百穀

繼絕續之春秋無麥則書故郊稷特舉之也○

一章一仰

思文德之后稷真能配天。天能生民，不能使民自養。所以粒食我衆民者，莫非爾德之極也。誕降嘉種，貽我以二麥，皆上帝之命。徧養下民者，惟稷代天敷教。民食足而禮義生，無此疆爾界。布陳常道于諸夏，厚生正德，孰匪其功。信乎文德配天也。○文，文德也。綏治以文，立作粒書云：烝民乃粒，率育徧養也。常，人倫也。時是也。夏，中國也。

思文一章八句

毛詩原解卷三十三

臣工之什

自此至武凡十篇

嗟嗟臣工敬爾在公

叶孤

王釐

離

爾成來咨來茹

叶孺

嗟

嗟保介

叶計

維莫之春亦又何求

叶忌

如何新畝

叶御

於皇來

牟

叶計

將受厥明明昭上帝迄用康年

叶林

命我衆人

叶義

庠

止乃錢

叶博

鏹

叶字

奄觀銍

叶質

艾

叶刈

古序曰臣工諸侯助祭遣於廟也○朱子改爲戒農

官非也戒農官何與於頌諸侯守土民事爲先故風

歌七月以戒君雅陳楚茨以刺時商頌以稼穡免禍

謫浴誥以明農敘正父孟子謂三王巡守諸侯述職以田野治爲慶故于來朝助祭歸而申飭王章稼穡其首務也周先公力農開國故告于廟以祖德訓之所以爲頌呼保介者車馬臨行之辭介甲也勇士衣甲立車右爲保護月令參保介之御間是也將行呼保介猶敢告僕夫之意宗廟之祭以仲春諸侯朝正來二月助祭畢歸及莫春矣二麥將熟故卽時物告之○章嗟爾從行臣工歸矣尚敬愼爾之在公乎王賜爾以舊章其來咨謀之來茹度之勿自用自專壞成法也爾保介歸矣念民事在農農事在春今已春

莫他又何求二歲之新田三歲之畬田如何乎無有  
荒蕪未闢者乎美哉二麥將熟秋稼繼之天賜昭明  
不爽迄秋又將豐年矣早命農夫具鉋鋤芟治田畝  
奄忽之間觀持鎌以刈稻矣不先事而可望穫乎○  
臣工諸侯之羣臣百工呼其臣戒之所以戒諸侯也  
公公家也釐賜也成成法凡禮樂制度諸侯當守者  
皆是莫春夏正三月周正建子而朝聘祭享仍用夏  
時田二歲曰新田三歲曰畬庠具也錢鉋也刀屬鉋  
鋤也鉋鉤鎌也艾刈同  
臣工一章十五句

噫嘻希成王既昭假格爾五叶率時農夫播厥百穀叶駿

發爾私終三十里叶亦服爾耕十千維耦叶

古序曰噫嘻春夏祈穀于上帝也○朱子改爲戒農

官之詩非也按月令孟春天子以元日祈穀于上帝

仲夏大雩帝以祈穀實此卽其樂歌也春秋傳曰啓

蟄而郊龍見而雩啓蟄仲春建卯之月也蒼龍之宿

當于東方則孟夏建巳之月也與月叶異然其

爲春夏同也○叶噫嘻我周自后稷以來世勤稼穡

以成王業爾農夫既昭明感假于天矣我不敢失墜

率是農夫播其百穀疾發其私田終萬夫三十里之



地無曠土也。亦服爾之耕事。萬夫同出。無遺力也。爾  
惟克勤。其昭假寧有已乎。○噫嘻。歎辭。成王成就王  
業也。昭明也。假格也。大雅烝民云。天監有周。昭假于  
下。與此同。爾謂農夫時是也。駿大也。發以耜。啓土也。  
私私田也。不及公田爲民祈也。三十里萬夫之田。一  
夫百畝。廣一步長百步曰畝。四方長廣皆百步曰百  
畝。萬夫之田長廣各百夫也。以一夫百步之長積之。  
三夫一里。百夫三十三里也。言三十里舉成數耳。周  
禮。夫間有遂。遂上有徑。十夫有溝。溝上有畛。百夫有  
洫。洫上有塗。千夫有澮。澮上有道。萬夫有川。川上有

路

噫嘻一章八句○按頌皆事神之樂而不言鬼神子  
云務民之義敬鬼神而遠之子產云人道邇天道遠  
故頌于郊不言天言聖人于廟不言鬼言功德祈不  
言福言人事此章祈年與後章報賽皆言農夫勤動  
勞苦而所謂格天事神者在其中故曰人者鬼神之  
會祭祀聖人務所以爲民之義而天地鬼神弗能違  
矣詩至頌而愈遠故曰興於詩成於樂

振鷺于飛于彼西雝我客戾止亦有斯容在彼無惡在  
此無斃如庶幾夙夜以求終譽

古序曰振鷺二王之後來助祭也○按武王克商封微子于宋求禹之後得東樓公封于杞武王崩成王詠武庚黜殷以微子爲殷後與夏之後杞皆客焉二客來助祭則告于廟鷺白鳥也人臣精白乃心弗緇其節似之鷺善羣西雖西京之辟雖雖和也爲無惡數之比有斯容諷其心也○章白鷺振羽而飛于彼西京之辟雖我客以精白西歸羽翼王家戾止周庭其儀容脩整似之而心思皦然可知已在彼國人情愛戴無有怨惡者在王朝猜疑盡釋無厭數者庶幾夙夜敬戒保此美譽長永善終矣○西西京也雖澤

也卽辟雖戾至也彼謂祀宋本國此謂周廟也

振鷺一章八句

豐年多黍多稌

吐

亦有高廩

叶

萬億及秭

子

爲酒爲醴

烝畀祖妣以洽百禮降福孔皆

叶

古序曰豐年秋冬報也○萬物至秋冬而成且終矣

故祭以報之秋則享帝于明堂祭四方冬則祭八蜡

通用此詩故槩言報○

章

黍宜高燥而寒稌宜下濕

而暑大有之年高下皆熟故黍稌多而百穀可知已

亦有高大之廩其中積貯之多萬而億億而秭以爲

酒醴進于先祖妣以備祭祀之百禮上帝百神降福

無不徧也。敢忘報乎。○春種暑熟曰黍稷稻也。米曰  
稌。穀曰倉。數萬至萬曰億。數億至億曰秭。泛言數之  
多也。醴酒漿之和滓者。烝進也。畀予也。言黍稷之多  
可以備祭祀也。

豐年一章七句

有瞽有瞽。在周之庭。設業設虞。巨崇牙樹羽。應田縣鼓。

鞀桃磬祝祝圉語既備乃奏。叶管備舉。以上六句嘒

嘒厥聲。肅雝和鳴。先祖是聽。我客戾止。永觀厥成。以上

與庚

古序曰。有瞽始作樂而合乎祖也。○此周公制禮作

樂成大合諸樂奏之以告于文王之廟非爲祭祀也  
禮曰凡釋奠必有合也凡大合樂必遂養老此則爲  
始作樂而已亦非爲釋奠養老也○章一樂工用瞽以  
目無見而聽音審也瞽非一人皆在周之廟庭非復  
夏商之舊矣於是設懸樂之具橫板以爲業植木以  
爲虞業上畫牙其狀崇然虞上樹以鳥羽小鼓爲應  
大鼓爲田皆懸之有持柄而搖之執有玉石之磬有  
起樂之祝止樂之圉諸器旣具瞽工乃奏及編竹之  
簫併兩之管無不備作嗶嗶其聲之盛也肅焉成文  
雖焉協律諧和齊鳴先祖之神降而聽之我客來周

庭者亦平情釋怨永觀其終矣○瞽樂官無目曰瞽  
取聽事也稱周庭明非商之舊也縣鼓懸其鼓于虞  
上周制也夏后氏足鼓殷人楹鼓祝以木爲之狀如  
漆桶中有椎投于其中而舂舂上聲之以起樂也圉作  
敵亦木爲之狀如伏虎背上刻爲三十七鉏鉏上聲錯  
語以木長尺櫟歷之以止樂也簫編小竹管爲之大  
簫二十三管長尺四寸小者十六管長尺二寸一名  
簫一云鳳簫其管參差如鳳翼也管如笛而小併兩  
管而吹我客二王後成樂終也  
有瞽一章十三句

猗永與余漆沮

疽

潛有多魚有鱣

單

有鮪

委

鮪鮪鮪

能

鯉以享以祀

史

以介景福

叶

否

古序曰潛季冬薦魚春獻鮪也○魚至冬月大寒降

則性定而肥漁師始漁先薦寢廟至春王鮪來則薦

鮪此其樂歌也○

章

美哉漆沮二水深潛之處有多

魚有似鮪而大之鱣有似鱣而小之鮪有白色之鮪

有黃色之鱣有無鱗之鯉有三十六鱗之鯉取之以

享獻祭祀以介于祖考而得大福也○鱣色黃大者

重千斤一名鱣鮪鮪色青黑江東人謂之鱣大者曰

王鮪小者曰鮪

叔

鮪世傳河南鞏縣東北山崖中有



穴通江湖。鮪魚春從此來。北入河。西上龍門入漆沮。  
故漢張衡賦云。王鮪岫居也。鰈一作鯪。色白狹而長。  
鱈。色黃。鰻一名鮎。無鱗。多涎。鰻色赤。餘詳小雅魚鼈  
篇。介。因也。因祭而得福也。景光大也。

潛一章六句

有來維維。至止肅肅。相象維辟公。天子穆穆。於鳥薦膚

牡。相予肆祀。史叶假哉皇考。綏予孝子。宣哲維人。文武維

后。燕及皇天。叶克昌厥後。綏我眉壽。丑叶介以繁祉。既右

烈考。叶亦右文母。米叶

古序曰。維。禘大祖也。○此禘大廟之樂歌。大祖。周始

祖禘行於太祖廟。追祀太祖所自出之帝。而下逮羣  
廟之主。卽所謂大禘也。合饗曰禘。先公先王皆在詩。  
獨言皇考者。歸功於始祖也。禮不王不禘。周之有禘。  
自武王始。猶商頌五祭皆言湯。以商有天下自湯始  
也。序云大祖者。后稷也。詩云孝子者。成王也。皇考烈  
考者。武王也。文母者。邑姜也。稱天子辟公。廣牡相祀  
者。表大禮也。魯以大夫歌。雖夫子非之。於春秋書禘。  
於詩錄。雖春秋之志也。鄭氏以大祖爲文王。朱子因  
改爲武王。祀文王之詩。夫文王穆考。世室主稱大祖。  
則后稷何加焉。武王末受命。雖有王祭。禮樂未興。周

公成文武。乃制禘。作雝。故其詩亦頗似武王語。蓋後王禘祭通用也。鄭謂禘與祫殊。禘三年。祫五年。禘大於四時。而小於祫。此緯書之說也。夫祭未有大於禘者矣。禘。帝也。三王始祖皆古帝之苗裔。王者追祭始祖。所自出之帝。故曰禘。非審諦昭穆之謂也。子孫祀遠祖。豈宜太疏。莫遠於天。而歲再舉。孫祭祖而三年五年不已。疏乎。遠祖格。則羣主咸集。故曰祫。商頌濟哲。亦禘也。徧及羣公先正。卽祫也。禘惟合享。故其禮重。魯僭禘。春秋論語譏之。未言禘上有祫也。或云。時祭亦有禘有祫。諸侯亦有禘有祫。夫禘之爲時祭。以

禘舉于春也。祭莫大于春。其次莫大于秋。春爲歲首。秋爲物成。魯頌閟宮曰。春秋匪解。郊特牲曰。春禘秋嘗。祭義曰。君子合諸天道。春禘秋嘗。子云。明乎郊社之禮。禘嘗之義。治國其如視諸掌。故禮莫大乎禘嘗也。諸侯之有禘祫。以其亦有始祖。有合食。襲用其名。而禮非諸侯所得盡也。○章大禘舉而羣后集。來自彼國。雖雖非勉強。至止周庭。肅肅無惰容。相助我祭祀者。維辟公主。祀者維天子。至敬無文。穆穆如也。於哉。辟公薦廣大之牲。助我陳設。豈予能致此。皆大哉。皇考之賜。安我孝子也。皇考宣通明哲。立人之極。文

德武功克君之道安民之德上及皇天故能昌大其  
後嗣使冲人歷服綏以眉壽坐撫盈成介以繁祉今  
日之祭既侑食我烈考亦侑食我文母追崇罔極有  
自來也匪皇考烏能及此乎○相助祭也辟公諸侯  
也穆穆深遠也廣牡大牲也肆陳也假大也極也解  
見大雅文王篇綏卽燕翼也予孝子成王自稱也宣  
通也哲察也燕安也安上天求莫之心也眉壽眉秀  
則多壽也成王幼冲故詩每言壽者祝願之辭繁祉  
多福也右侑通勸食也烈光也母有懿範故稱文猶  
所謂女士也

雖一章十六句

載見辟必王曰求厥章龍旂陽陽和鈴央央倬有鵠  
休有烈光率見昭考叶以孝以享以介眉壽叶永言保  
之思皇多祐叶烈文辟公綏以多福叶俾緝熙于純嘏

古叶

古序曰載見諸侯始見乎武王廟也○按武王年八  
十生成王九十三崩成王立年十有三非甚童穉也  
此卽其初立朝諸侯率以見于武王廟之樂歌詩明  
徵如此此世儒惑于明堂位云周公負扆踐祚七年而  
後致政併強此詩爲七年後王親政作蓋據洛誥云

周公誕保文武受命惟七年彼謂成王七年周公薨  
洛耳非謂七年前成王未親政也十三歲天子尸居  
而又七年則二十矣乃始見諸侯乎初年以流言疑  
忌叔父豈幼冲無知者之所爲乎○一諸侯始見辟

王以辟王新立來稟受王章也車上建交龍之旅陽  
陽鮮明軾前之和與旂上之鈴央央和鳴馬轡首條  
革當鸞鑣之間鶴然有聲來朝之儀皆太平物色豈  
不休美有烈光乎率此辟公見于昭考武王以致其  
孝以行其享以因享而得眉壽以長保美哉之多祜  
則此多祜非自致寶爾烈文辟公助祭感格安我以

多福使我緝熙于純嘏耳○載見始見也辟王成王也章法度也旂上曰鈴在鑣曰鸞在軾曰和央央有鴈皆聲也條革非鈴而言聲者鸞鑣之聲也烈光之甚也昭考武王廟居左爲昭

載見一章十四句

有客有客亦白其馬

叶

有萋有且

叶

敦

堆

琢其旅有

客宿宿有客信信

叶

言受之繫以繫其馬

叶

薄言追之

左右綏

難

之無不

淫威

降福孔夷

古序曰有客微子來見祖廟也○按武王誅紂封微

子于宋成王誅武庚遂命微子後殷此其始受命來



見周廟故舉武庚事以諷之曰威曰福尋常祭享不  
及此辭雖頌客而亦告于廟故皆爲頌○章一有客有  
客天子不以臣蓄之而禮因先代所乘馬猶之白也  
其威儀萋苴然隆盛其從行之衆敦琢如金玉客至  
此其宿宿乎勿遽歸也其信信乎勿一宿遽去也授  
之繫以繫其馬馬畱客亦畱也去則追餞之左右無  
方以安之旣往之事乃其禍淫之威今嘉予善人降  
福甚平夷而無所猜忌矣○客指微子白殷色萋苴  
盛貌敦雕也治金曰雕治玉曰琢旅從行卿大夫也  
一宿曰宿再宿曰信重言者非一之意所以畱之也

淫凶淫指紂與武庚也威謂誅紂討武庚也夷平也  
○有客一章十二句

於鳥

皇武王無競維烈

良叶

允文文王克開厥後

虎叶

嗣武

受之勝殷過劉

柳叶

耆定爾功

殷叶

古序曰武奏大武也○按周公象武王之功為大武

之樂樂成奏于武王廟大武有舞詳見樂記此其歌

也頌武而思文者昭德為威所以大武也○

章一

於乎

大哉武王有莫彊之功烈非徒以武功耳哉我文

德之文王能開基貽後而文教未敷我王嗣受之

既勝殷乃鑿弓戢矢止其刑殺久而後定文教大治

治平功成武王之武何以異于文王之文乎○皇大  
也遏止也劉殺也解見王風丘中有麻及大雅桑柔  
篇耆久也皇矣云上帝耆之武王立十一年而始伐  
紂成王立七年而後黜殷久而後定也  
武一章七句

毛詩原解卷三十三終